

NACRT

Na osnovu člana 18. Statuta općine Maglaj ("Sl. novine općine Maglaj", broj 08/07, 3/08, i 6/08) a u vezi sa članom 2. Zakona o osnovama bezbjednosti saobraćaja na cestama u Bosni i Hercegovini ("Sl. Glasnik BiH broj 6/06, 48/10, Općinsko vijeće Maglaj, na sjednici održanoj dana _____ 2015. godine, d o n o s i

O D L U K A

o javnim parkiralištima na području grada Maglaja

OPĆE ODREDBE

Član 1.

Ovom Odlukom se povjerava upravljanje javnim parkiralištima, utvrđuju uslovi, način korištenja, organizacije i način naplate parkiranja vozila na javnim parkiralištima na području grada Maglaja.

Član 2.

Javnim parkiralištima se smatraju javne površine namijenjene isključivo za zaustavljanje i parkiranje vozila određenih ovom Odlukom. Upravljanje javnim parkiralištima, na kojima se naplaćuje parkiranje i naplatu, vršit će pravno lice _____ (pravno lice koje je registrovano za obavljanje ove djelatnosti)

Član 3.

Javna parkirališta mogu biti uređena za parkiranje vozila na ulicama i van ulica.
Javna parkirališta van ulica mogu biti otvorenog i zatvorenog tipa.
Otvorena javna parkirališta su ona parkirališta koja zbog prometne situacije nije moguće fizički zatvoriti preprekama.
Zatvorena parkirališta su parkirališta koja se u cilju kontrole ulaza i izlaza vozila mogu fizički zatvoriti a da se ne remeti normalan tok prometa.

Član 4.

Javna parkirališta moraju biti označena saobraćajnom signalizacijom u skladu sa Zakonom o bezbjednosti saobraćaja na cestama u Bosni i Hercegovini i Odlukom o bezbjednosti saobraćaja na području općine Maglaj.
Javna parkirališta za osobe sa posebnim potrebama se posebno obilježavaju horizontalnom i vertikalnom saobraćajnom signalizacijom.
Uređenje i obilježavanje javnih parkirališta, na kojima se naplaćuje parkiranje, vrši upravitelj istih.

Član 5.

Javna parkirališta na kojima se naplaćuje parkiranje, imaju na vidnom mjestu istaknuto obavještenje na saobraćajnim tablama sljedeće sadržine: naziv javnog parkirališta, zonu, vrijeme naplate, cijenu parking karte, način parkiranja i kategoriju motornih vozila koja se mogu parkirati na tom parkiralištu.

Član 6.

Ulaskom na javno parkiralište na kojem se vrši naplata, vlasnik ili osoba koja upravlja motornim vozilom, prihvata uvjete parkiranja propisane ovom Odlukom.

II JAVNA PARKIRALIŠTA NA KOJIMA SE NAPLAĆUJE PARKIRANJE NA PODRUČJU GRADA MAGLAJA

Član 7.

Javna parkirališta sa naplatom na području grada Maglaja, kategorizuju se po zoni i vrsti parkiranja na sljedeći način:

Naziv javnog parkirališta	Parking mjesta	Otvoren /zatvoren	zona
Kod zgrade općine Maglaj i nasuti plato iza općine	18 20	otvoren	1
Kod Tržnog centra uz ulicu Aleja Ijiljana i uz poslovne objekte sa zapadne strane Tržnog centra	30 24	otvoren	1
Između hotela i Viteške ulice	8	otvoren	1
Između ulice Aleja Ijiljana i ulice Mladih	30	otvoren	2
Kod objekta "A"zvani Karingtonka	15	otvoren	1
U Viteškoj ulici ispred poslovnog objekta zv."Robna kuća"	26	otvoren	1
Ispred Doma kulture Edhem Mulabdić uz ulicu Sulejman Omerović Car	20	otvoren	1

Općinski Načelnik može svojim aktom odrediti nova i izvršiti izmjene parkirališta u skladu sa Zakonom.

Član 8.

Na javnim parkiralištima na kojima se naplaćuje parkiranje, radno vrijeme će biti određeno svakim radnim danom i subotom u periodu od 07,00 do 16,00 sati.

Izuzetno upravitelj_____, može zbog objektivnih okolnosti, odrediti i drugačije radno vrijeme koje mora biti istaknuto na javnim parkiralištima na kojima se primjenjuje nedjeljom i praznicima. Na javnim parkiralištima se neće vršiti naplata parkiranja.

Član 9.

Za korištenje javnog parkinga korisnik plaća naknadu prema sljedećim tarifama:

1. Cijena parkiranja iznosi za svaki sat parkiranja _____KM
2. Cijena cijelodnevnog parkiranja iznosi _____KM
3. Cijena mjesečne karte za parkiranje iznosi _____KM
4. Cijena godišnje karte za parkiranje iznosi _____KM

Cijena povlaštene karte za stanare u ulicama u kojima je uvedena ili nije uvedena naplata parkiranja iznosi 70% iznosa mjesečne, odnosno godišnje karte za navedenu zonu. Izdavanje mjesečne, godišnje i povlaštene karte obavezuje ovlaštenu pravnu osobu da za iste obezbijedi kontinuirano slobodno parking mjesto.

Član 10.

Vozilo sa mjesečnom i godišnjom parking kartom može biti vremenski neograničeno parkirano na svim javnim parkiralištima, na kojima se vrši naplata unutar zone za koju je karta izdata i u zonama nižim od te, u periodu važenja parking karte. Mjesečna i godišnja karta moraju biti vidno istaknute na oprednjem vjetrobranskom staklu motornog vozila.

Član 11.

Za naplatu parkiranja na otvorenim javnim parkiralištima se može koristiti parking karta iz automata za naplatu parkiranja (ako su postavljeni na parking), ili naplata – fiskalni račun od strane uposlenika upravitelja, a na zatvorenim javnim parkiralištima se koristi ulazni printani listić i izlazni printani listić.

Kartu za parkiranje je korisnik dužan istaknuti sa unutrašnje strane prednjeg vjetrobranskog stakla vozila, na način da bude vidljiv serijski broj, te da iz nje ovlaštena osoba za naplatu parkiranja može utvrditi podatke (godina, dan, sat i minuta početka parkiranja).

Član 12.

Korisnik otvorenog javnog parkirališta unaprijed plaća naknadu za planirano vrijeme parkiranja, a kod zatvorenog javnog parkirališta prilikom napuštanja javnog parkirališta, prema podacima sa ulaznog listića.

Član 13.

Parking karta je dokaz o uredno plaćenju naknadi za parkiranje na javnom parkiralištu. Sadržaj i izgled parking karte će biti detaljno određen posebnim aktom _____upravitelja.

Član 14.

Kod naplate putem automata, korisnik javnog parkirališta, količinom ubačenog novca u automatu, određuje dužinu plaćanja parkiranja.

Član 15.

Pravilnost korištenja javnog parkirališta kontrolišu radnici _____upravitelja u skladu sa aktima općinskog organa koji kontrolišu ovu oblast.

Član 16.

Za parkiranje vozila u vlasništvu invalidnih osoba, osigurava se određeni broj parking mjesta na kojima se naplaćuje naknada za parkiranje.

Pravo korištenja mjesta za parkiranje vozila invalida, ostvaruju invalidne osobe koje posjeduju znak pristupačnosti, odnosno međunarodni znak invalida, a u skladu sa čl.29.Zakona o bezbjednosti saobraćaja na cestama u BiH.

Član 17.

Korisnik javnog parkirališta čini povredu odredaba uslova korištenja javnog parkirališta propisanim ovom Odlukom ako:

- Prekorači dopušteno vrijeme parkiranja,
- Ne istakne, nepravilno istakne ili istakne neodgovarajuću parking kartu s unutrašnje strane vjetrobranskog stakla,

- Ne pridržava se horizontalne i vertikalne prometne signalizacije na javnom parkiralištu .

Član 18.

Kako kažnjavati

U slučajevima povrede odredaba iz čl.17. Stav 1.alineja 1. i 2. Ove Odluke, izvršit će se blokiranje vozila uređajem za blokiranje točkova.

Poslove blokiranja i deblokiranja vozila vršit će uposlene osobe iz _____.

Detaljnije odredbe o postupku blokiranja i deblokiranja će se regulisati posebnim aktom ____preduzeća.

Član 19.

Naknade za blokiranje i deblokiranje vozila iznose:

1. Za blokiranje i deblokiranje putničkog vozila iznosi ____KM
2. Za blokiranje i deblokiranje kamiona , autobusa i dr. vozila iznosi _____KM
- 3.

Član 20.

Naknada za premještanje i čuvanje vozila:

1. Premještanje i čuvanje vozila na deponijski parking i ležarina do 24 sata iznosi ____KM.
2. Dnevno čuvanje vozila na deponijskom parkingu iznosi - _____KM.

Član 21.

Premještanje nepropisno zaustavljenih ili parkiranih vozila vrši _____upravitelj , a po nalogu Policijske uprave Maglaj u skladu sa Zakonom o osnovama bezbjednosti saobraćaja na cestama BiH, specijalnim vozilom namijenjenim za te svrhe o trošku vlasnika odnosno korisnika vozila. Detaljnije odredbe o uslovima, načinu premještanja, čuvanju i vraćanju nepropisno parkiranog vozila regulisat će se posebnim aktom _____upravitelja .

Član 22.

Prilikom određivanja premještanja, odnosno blokiranja vozila od strane ovlaštene osobe, a prije samog početka blokiranja, odnosno premještanja, zaposlena osoba _____upravitelja, pravi zapisnik o stanju vozila koje je određeno za premještanje, (registarski broj , marka, tip vozila i dr.)uz posebno evidentiranje već vidljivih oštećenja na vozilu koje se premješta.

Član 23.

Troškove premještanja vozila na drugo mjesto i naknadu za smještaj tog vozila, odnosno blokiranja i deblokiranja, snosi vlasnik vozila, odnosno osoba koja upravlja vozilom.

Član 24.

Štete koje nastanu na vozilu prilikom premještanja vozila, čuvanja na deponijskom parkiralištu odnosno blokiranju i deblokiranja vozila, snosi _____.

Član 25.

Održavanje i uređenje javnih parkirališta kojima upravlja _____upravitelj, podrazumjeva:

1. Horizontalnu i vertikalnu signalizaciju ,
2. Održavanje slivnih rešetaka (poklopaca i šahtova),
3. Uređenje asfaltnih površina (krpanja rupa ili presvlačenje novim slojem asfalta, a makadamski parking prostor redovno održavati nasipanjem odgovarajućim materijalom,
4. Redovno održavanje higijene
5. Kao i uklanjanje snijega, poledice i drugih elemenata koji ometaju parkiranje.

Član 26.

Vozila hitne medicinske pomoći, policije i vatrogasna vozila, kada u toku intervencije koriste javno parkiralište ne plaćaju naknadu za parkiranje.

Vozila pravnih osoba koji su izvođači radova na javnim parkiralištima, za vrijeme dok izvode radove, u skladu sa odobrenjem nadležne općinske Službe, izuzeta su od plaćanja naknada za parkiranje.

Član 27.

_____ upravitelj, na javnim parkiralištima, na kojima se naplaćuje parkiranje, ne snosi odgovornost u slučaju otuđenja motornog vozila ili nastanka štete na istom u vremenu dok je parkiran.

Član 28.

Naplatu parkiranja i kontrolu naplate parkiranja, obavljaće uposlenici _____ upravitelja, koji moraju biti jednoobrazno odjeveni, imati identifikacione legitimacije, na kojima je upisan naziv preduzeća, serijski broj, ime i prezime i fotografija uposlenog lica – radnika koji vrši naplatu.

NADZOR

Član 29.

Inspekcijski nadzor nad provođenjem ove Odluke će vršiti nadležna općinska inspekcija Općine Maglaj.

Član 30.

Prekršajni postupak pokreće i vodi ovlaštena osoba, odnosno nadležna inspekcija Općine Maglaj, izdavanjem prekršajnog naloga ili podnošenjem zahtjeva za pokretanje prekršajnog postupka, na temelju dokaza dostavljenih od strane zaposlenika _____ upravitelja.

KAZNE NE ODREDBE

Član 31.

Novčanom kaznom u iznosu od ____ KM do ____ KM kaznit će se vlasnik motornog vozila za neplaćanje novčane naknade utvrđene u čl. 19. i 20. Ove Odluke.

Novčanom kaznom u iznosu od ____ KM do ____ KM kaznit će se osoba koja ošteti automat za naplatu parkiranja.

Član 32.

Obavezuje se _____ upravitelj, da na ime naknade za upravljanje i korištenje javne površine – parking prostora na području grada Maglaja, uplati mjesečni iznos od _____ KM, ili godišnji iznos od _____ KM, na račun budžeta Općine Maglaj.

Član 33.

Ova Odluka stupa na snagu danom donošenja a biće objavljena u Službenim Novinama Općine Maglaj.

Broj:
Datum:

Presjedavajući OV
Marko Zelić

Obrazloženje

Pravni osnov za donošenje ove odluke je čl.2.Zakona o osnovama bezbjednosti saobraćaja na cestama u BiH ("Sl.Glasnik BiH broj 6/06 i 48/10), kojim je propisano da Organi lokalne uprave u gradovima i općinama će obezbijediti sprovođenje ovog zakona i u okviru svoje nadležnosti donosit će propise i preduzimati druge potrebne mjere za njegovo sprovođenje.

Kako na području grada Maglaja imamo parkirališta koja se navedena u Prijedlogu ove Odluke, kojima treba da se upravlja, i koja treba da se održavaju, kao i da se odredi način i uslovi korištenja i naplate parkiranja vozila, ova Služba je pripremila Prijedlog Odluke, a sve u skladu sa gore navedenim Zakonom.

Pravna lica, koja bi mogla da se bave ovom djelatnosti, su privredna društva koja su registrovana za obavljanje ove djelatnosti.

To mogu biti i Udruženja građana, ali pod uslovom da se registruju kod nadležnog organa za obavljanje ovih djelatnosti, i da kao takvi imaju status privrednog društva.

Napominjemo da bi Vijeće trebalo da se opredjeli što se tiče naknade za korištenje javnih površina na ime parking prostora, odnosno trebalo bi da se izjasni da li da određeni upravitelj uplaćuje mjesečni ili godišnji iznos na račun budžeta Općine Maglaj, ili da bude oslobođen od uplaćivanja bilo kakvih naknada na ime upravljanja i korištenja javnih površina odnosno parking prostora na području grada Maglaja.

Zbog toga Služba za urbanizam geodetske i imovinsko pravne poslove dostavlja Prijedlog Odluke o javnim parkiralištima na području grada Maglaj.

**SLUŽBA ZA URBANIZAM, GEODETSKE
I IMOVINSKO PRAVNE POSLOVE**